

15
aberwitz oder ich Vnd berufet esopum vñ sprach hör du gütter knab du
hast die mit schmach wortē durch achter dy du soltest mit erē empfangē
haben do sprach esopus Du hast mit mir geschaffet das ich niemant yn
solt lassen wañ die weisen Do sprach xantus losa du fastnachtbutz bedun-
kent dich danñ diese nicht weyß seyn. ney gantz nichtz sprach esopus wañ
do ich zū in sprach vñ mich mit verstonde was ich redt wie
solt ich sy dann weiß schetzen. abē d mich verständig den het ich fur weiß
vnd lief in als bald eyngan Die antwurt ward von menglichen gelobet.

Etlich tag dar nach do Xant⁹ mit esopo ob dē grabern der altuordern
was vñ die ubergeschriffte der greber laß. fand Esopus etlich büchsta-
ben in einer arch bey dē bild ston. dar zū man ey stegē auf gon müst vnd
waren eingegrabē mit wort sund alleyn büchstaben in solich form. das sy
lateinisch büchstaben so vil teten als. **Q B Q F I T Q**. Vñ sprach zū xan-
to. Mein hz was sagent diese büchstabe. Xantus beschawet sy fleißliche
vnd bedacht sych lang. aber er kund sy nicht verston vñ sprach zū esopo
Sag ich bit dich was bedeutent sy/sag an. Esopus sprach. Ob ich dir al
hie eynen schatz von gold funde. was wurddest du mir zū güe thun. Xan-
tus sprach byß gütes mütes. wann ich wurde dich frey lassen vnd gyb
dir eyn halben teyl deß goldes. Do gieng Esopus fier staffelen hyn auff
zū dem bild alda grüb er. vnd fand einen schatz von golde. vnd antwurt
das balde dem herren. vnd sprach. Meyn herz ich bitten dich du wöllest
mir haltenn das du mir versprochen hast xantus sprach dz beschichte
nicht du lereft mich dann vor wie du den schatz funden habest. wann ich
schetzte das grösser wann das golde. Esopus sprach. der den schatze da
her geleet hat. on zweyfel eyn grosser nateurlicher meister. der hat in
mitt syben characteren bezeychnet die obgeschriben stand. vnnnd bedeu-
tend nach den selben büchstaben in lateyn. **Ascende gradus quattuor.** so
dias. inuenies thesaurū auri Das ist in teutschs gäg auff fier stapfē grab
ein so findest einē schatz vō gold Do sprach xant⁹ wie weistu dz sag mir
Esopus dar vmb dz die büchstaben das betutend die hernach ston. **T
R D Q I T Q** Das ist i latin **Tradito regi diomifio qz inuenisti thesaurū
auri** Die sibenn latinische wort auß denn sibenn büchstaben bedeutent in
deutsch Du solt den gulden schatz den du fundē hast dem kunig diomifio
geben Do xant⁹ mercket das der schatz dem kunig diomifio zugehörret
sprach er zū Esopo Nim du dz halb teil vñ sag es niemant Esop⁹ sprach
du gipst mits mit sunder gipst mir in der dem schatz da her hat geleet
Wie weiß du das sprach xantus Esopus die nachgenden büchstabe deu-
tent es. **E D Q I T Q** die bedeutent in latin **Euntes diuidite quē inue/
stis thesaurum auri** Das ist ir sollen denn schatz teilen den ir gefunden
hand xantus sprach Bee wir heim vnd teilen den schatz.

c ij